



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1562 usque ad annum 1563

Fleury, Claude

August. Vind. [u.a.], 1771

VD18 9011860X

§. 76. Circa Ecclesias, & Sacella ruinæ proxima deliberatum.

[urn:nbn:de:hbz:466:1-66641](https://nbn-resolving.org/urn:nbn:de:hbz:466:1-66641)

Sæcul. XVI.

A.C. 1562.

Denique hujus decreti formulæ sequens etiam inferebatur conditio, ut horum beneficiorum uniones sine possessorum, qui vita adhuc superstites sunt, præjudicio fierent.

§. LXXVI.

Circa Ecclesias, & Sacella ruina proxima deliberatum.

*Pallav. n. 8.
& 9.*

Eadem quoque habita est ratio in articulo sequenti, in quo proponebatur remedium pro Parochis vitio aliquo, aut ignorantia laborantibus adhibendum: quæ autem circa hunc articulum fuerint decreta, jam supra meminimus insuper, cum animadverterent Patres, quod multa templa, & Sacella, in quibus Beneficium aliquod erat erectum, decursu temporis collaberentur, hinc deliberabant de transferendis illis beneficiis in Ecclesias principales, seu in alias magis propinquas: ut autem tam memoria fundatorum, Sanctorumque, quibus ea dicata fuerant, quam ejus jura, qui dominium in ea obtinebat, servarentur, ac, si quæ ex his templis colabantibus essent Paræciæ, quocunque tandem modo reficerentur, præscriptum insuper est, ut post factam translationem loca jam sacra possent quidem in usum profanum converti, sed non in
fordi-

fordidum, atque ibi Crux erigeretur, tanquam habitæ illic pietatis vestigium.

Sæcul. XVI.
A.C. 1562.

§. LXXVII.

Decretum circa beneficia in commendam data.

Postmodum agebatur de beneficiis a *Pallav. c. 10.* Pontifice in commendam datis; *n. 10. & 11.* cum enim ea nonnunquam ab omni inferiori jurisdictione immunita essent, ac immunitates, quibus fruebantur, in licentiam quandoque converterentur: haud leves exinde abusus oriebantur, hinc Synodus huic corruptelæ obviatura decrevit, ut commendata ejusmodi beneficia, siue sæcularis, siue etiam Regularis essent institutionis, ubi disciplinæ observantia non vigeret, ab Episcopis quotannis inviserentur, qui eorum etiam fructus ad fabricas reparandas, aliaque explenda onera converterent: si vero in hujusmodi Sacerdotiis floret observantia regularis, admoneantur prius paterne ab Episcopis eorum moderatores; si autem sexto post admonitionem mense illi negligenter se gererent, ac disciplinæ dissolutionem irreperere permetterent, tunc insit Episcopis facultas, perinde ac ipsismet Regularium Moderatoribus, invisendi hæc loca, & Religiosos obstringendi, ut ea præstarent, ad quæ præstanda proprii